

Con bo por yuda bo yiu si e ta un terdo?

Niun mayor kier tende cu nan yiu ta un terdo. Kisas bo ta pensa cu e no ta un problema grandi of cu e muchanan mester siña resolve nan problemanan. Pero si un mayor bin bisa bo cu bo yiu ta un terdo purba compronde cu no ta facil pa e otro mayor acerca bo pa algo asina. Si ta asina cu bo yiu ta terdo, tuma accion. No drenta den panico y no straf bo yiu mesora. Mayornan, ta hopi importante pa papia cu bo yiu.

Tips

Medida

Papia cu bo yiu riba e medidanan cu ta necesario pa para e termento. Pensa riba lo siguiente:

- Combersacion cu e maestro, mentor, trahado social, cu of sin bo yiu acerca;
- Tuma contacto cu otro mayor, pa haci palabracion cu nan tambe riba kico por haci hunto;
- Papia riba e reglanan di cas. Palabra cu bo yiu kico lo pasa si e no tene su mes na e reglanan.

Atencion

Dor di combersacionan y e medidanan bo ta duna bo yiu extra atencion.

- No duna atencion solamente na e cosnan cu a bai robes.
- Felicita bo yiu ora e cumpli cu e reglanan di cas of ora el a anda na un manera agradabel cu otro mucha.
- Muestra interes den tur locual ta pasa na scol, den su amigonan y den su actividadnan.

Keda vigila

- Purba papia regularmente riba e problema: con ta bai cu bo yiu, con ta bai cu e mucha cu nan ta ter y con e ambiente ta den grupo.
- Muestra cla cu bo ta pagando tino. Controla bo yiu riba e reglanan cu boso a palabra hunto.
- Tuma contacto atrobe cu e maestro, e otro mayornan of e trahado social si esaki ta necesario.

Busca yudansa profesional si bo ta ripara cu bo yiu no por controla su emocionnan y/of su agresion.

Corda cu e terdo ta un victima di un situacion y e tambe mester di ayudo!

